

書名 太師王端毅公奏議十五卷 嘉靖
十三年刊嘉慶十一年補刊本
撰者 明 王恕 撰
卷 卷六
內容分類 史-詔令奏議-奏議-明
索書號 大木-總類-奏議-別集-19
編號 B1915500

卷六



[彩色首頁1](#)

[東洋文化研究所漢籍目錄 編號: B1915500](#)

[東洋文化研究所漢籍目錄所藏漢籍善本全文影像資料庫 索書號: 大木-總類-奏議-別集-19](#)

[漢籍善本全文影像資料庫文本太師王端毅公奏議十五卷 嘉靖十三年刊嘉慶十一年補刊本](#)

版權所有: 東京大學 東洋文化研究所
使用上的注意事項

太師王端毅公奏議卷之一

大理寺

申明律例奏狀

臣備員棘寺叨司審錄常愧無分寸之補奚
敢有出位之思竊見法司中日逐擬斷之事

律例雖無不合推之人情亦有未宜今
舉一二昧死妄言伏望

明少賜裁決著為定例庶幾事得其宜而
易遵守開坐具本謹題請 旨

一件祛除凶德事臣惟奸盜凶德也凡



花分付事務則言語錯亂計慮實不及遠施
為愈不如初百病嬰身諸事懶作雖不敢因
循度日亦豈能奮勵成功委實無益

聖時有妨賢路伏望 聖恩憐臣衰老放臣
歸田另任賢能用圖至治非惟臣之幸實地
方之幸也臣不勝戰慄感仰之至具本謹具
奏 聞伏候

勅旨

太師王端毅公奏議卷之五

太師王端毅公奏議卷之六

後參贊機務

轉南京兵部尚書參贊機務謝

息疏

臣向蒙

聖恩以兵部尚書兼都察院左副都御史巡
撫南直隸成化二十年五月十九日欽奉本
月初七日

勅諭改臣南京兵部尚書參贊機務者臣孤
忠少與他技非長罄竭一得之愚巡撫五年

之久悃幅屢陳未遂歸休之願焦勞方切忽承簡擢之恩俾掌夏官仍叅留務矧南京乃祖宗根本之地尚書實古昔納言之官雅宜妙選竒才詎料仍推衰朽顧難回於成命肯少負於初心爰茲瀝血以輸誠終擬鞠躬而盡瘁除望

闕謝 息到任管事外具本專差指揮石文通齋稱 謝謹具奏

聞

督修 孝陵查算工料數目奏狀

成化二十年五月十九日節該欽奉

勅命臣同守備太監張 嚴督內外該管人員查勘實在用工官軍匠作毋令空閑役占計算在官物料併價銀及支 糧毋令冒支妄費仍逐日併工修造早 完備欽此臣謹遵奉

聖訓會同守備太監張 并內外守備官奉

諭 孝陵平頭訖當同內外管工官太監

強隆平侯張祐侍郎劉俊等編歷下所

孝陵殿宇門廡碑亭等項俱已裝修完

明樓已孤縛鷹架未曾拆修有鄭強等三
斗科已造成五十餘座因是原料明梁大楠
木三根坐派四川布政司採辦南京工部
差營繕清吏司主事吳湜前去催備未到以
此不敢拆卸又看得周圍牆垣除修完外止
有一千七十丈未完及隣裏牆垣損壞
六十五丈未嘗修理各官說稱前增係是原
未計料之數臣等除行南京工部補差虞衡
清吏司主事施恣馳驛前去着落四川布按
二司官吏併行分巡分守官嚴督該府縣官

吏委官量起人夫採打拽運及行四川巡撫
都御史孫仁督發併工督令管工官將前項
未修未完牆垣俱已修完完備於本年六月
初五日踈放軍夫匠作暫且歇工當將見在
未用物料責令南京內官監監工內使張秀
等并工部委官看守及今

孝陵衛委差官軍輪流日夜巡綽行查前後
修完工程用過物料役過軍匠支過工錢口
糧并原派未到物料備細數目附卷欲候催
饋楠木至日另行擇日興造明樓緣係奉

勅令臣等併工修造早為完備事理未敢擅
便今將各項總數開坐具本專差千戶姚鉞
齎捧謹題請 旨

論撥船事宜奏狀

車駕清吏司案呈奉本部送於

內府抄出兵仗局署局事內官監左少監葉
深先於成化十八年八月十八日欽蒙差臣
等前往南京兵仗局成造 盔甲等件除欽遵
外照得所造盔甲擘手鐵 袴等項俱係鋼鐵
研明紵絲細絹之物起運之時比與別項錢

糧糴扛至重所差船隻數少每遇河道灣淺
一時難以動移又恐水氣侵射以致發秀塵
泥不便今後起運軍器之時合用馬快船隻
合無照依各衙門事例每隻裝載拾櫃等因
奉

聖旨是該衙門知道欽此欽遵移咨到部送
司案查成化十九年五月初十日該南京守
備太監安寧等揭帖該兵仗局印信揭帖
報造完軍器四千五百件裝盛四百一十
櫃用船裝運本部照依節奉

欽依事理委官會同南京科道等官着裝
船裝一十三櫃裝運到京交卸並無發秀
泥續因裝運官物及進貢等項用船數多
在船隻不敷本部通行各衙門該運物件
擬則例具奏要將兵仗局軍器酌量可裝
十五櫃本年九月二十八日兵部題奉
聖旨都准擬欽此欽遵成化二十年正月
內起運軍器七千二百件裝盛六百七十四
其管運官不肯照依本部奏
准每船裝二十五櫃則例裝運每船止裝一

十七櫃亦運到京交卸亦無發秀歷泥今本
官又奏要照各衙門事例每船上裝十櫃查
得南京工部起運

上用戞金描金珠紅膳盒等件俱用黃羅銷
金袱子黃絨繩索及櫃桶裝盛比與軍器櫃
扛大小多半相等每船實裝六十餘扛近來
內織染局起運

上用段疋每船亦裝一十三櫃別無每船止
裝十櫃則例今却要每船裝十櫃委的近來
欽取供用香料并木植等項用船動以百計

工部該運儀真廠甄料合用馬快船二十隻
一年二運今無一船可差况南京各衙門年
例起運時鮮及應付欵差回京人員各處進
貢方物等伴用船數多實難措辦臣怒亦非
不欲其喜而欲其怒但差多船少不勾撥用
豈得已也如蒙合無仍照本部照奉
欵依事理將前項軍器每船裝二十五櫃及
各衙門一應起運物料俱照節該奏
准儘船裝載事例及議擬則例而行不許管
應人員自定扛數多討船隻煩瀆

聖聽如此庶得事體歸一船隻數差而裏河
軍民拽船之勞亦可寬矣

陳言山陝救荒奏狀

臣伏聞邇來禮部題稱陝西山西山東河南
北直隸災傷查得成化二十二年例該各處
僧道關給度牒合無令其就彼納米給與等
因奉

聖旨是僧道官有缺亦着納米選用還酌量
則例來說欵此又聞鎮守湖廣太監常貴等
稱山西陝西河南北直隸地方荒旱饑民南

流數多日有萬口經過欲照例驅治又恐激
變欲發倉廩賑濟官糧有限合無通行山西
陝西河南北直隸巡撫都御史督令各該州
縣將新舊流民令該管里老招撫復業等因
奉

聖旨該衙門知道欽此又聞太子太傅吏
部尚書兼華蓋殿大學士萬安等題稱邇聞
陝西山西地方亢旱無收陝西尤甚人民缺
乏死者無算填滿溝壑嬰孩路傍啼哭不絕
乞旨蠲免三年錢糧不分地畝里遠近有納米者

廩膳納米八十石增廣納米一百石俱赴陝
西缺糧倉分上納本布政使起送國子監讀
書挨次選用其軍民舍餘人等有願納米者
授以軍職百戶納米二百石副千戶二百五
十石正千戶二百石指揮照例加米定與衛
分帶奉閑住俱赴陝西缺糧倉分上納具奏
奉 聖旨是該部知道欽此又聞差侍郎耿
裕徐溥祭告西嶽四鎮西海大河之神臣有
以見

皇上與諸大臣畏天憂民救荒恤患之心可

謂無所不用其極雖雲漢之詩所謂旱既太甚散無友紀靡神不舉靡人不周者何以過之臣惟陝西山西地方連年災傷米價貴甚閭閻小民貧難殷實者少雖奉上項

息例恐願納者寡焉能濟衆又訪得南直隸浙江江西湖廣今年頗收僧道生員軍民舍餘中間亦恐有願如

息例上納以圖補報者合無請

勅每處差給事中御史即中等官三二員分與府縣令其馳驛前去會同彼處巡撫巡按

等官督同分巡分守官分投諸屬出榜召募前項人等各照米數每石令其納銀一兩給與文憑關領度牒照缺選用入監讀書及為指揮千百戶等項其銀就令原差領

勅官南直隸湖廣銀兩送陝西浙江銀兩送西江西銀兩送河南俱公同巡撫巡按等差委該幹司府官員分投諸屬給散缺食戶隨銀多寡每月驗口或給二錢或三錢具自行買米救濟莫各處流民之在荆襄

彼處鎮守等官既不可驅治又將

要令各該巡撫都御史督令該管軍民
口撫復業緣里老亦多流移料無可差之人
既彼有人可差各戶家業已失田野無望又
無口食豈能回還臣思流民缺食無計聊生
捐指失策必爲盜賊勞師動衆所費益多合
無將湖廣今年該起運南京各倉及兌軍秋
糧量留一二十萬石運赴荆襄水次倉賑濟
流民以銷後患又將河南該兌軍秋糧量留
一二十萬石運赴荆襄水次倉賑濟流民以
銷後患又將河南該兌軍秋糧量留一二十

萬石賑濟本處饑民及四方流來之民如河
南兌軍糧米無徵亦須別作擘畫仍

勅各處巡撫巡按提督三司委官如有流民
到於該管地方即便加意調卹不許驅逐致
令失所且人一日不再食則饑兩三日不食
則病不能起五六日不食則死此救荒當如
拯溺救焚可急而不可緩緩則無及矣臣深
慮召募僧道生員人等銀兩急不能得有快
賑貸合無先出 內帑銀二三十萬兩火速
發去陝西山西河南賑濟如 內帑不足請

諭貴戚近臣及在京巨富之家那移前去切
不可緩待後召幕有銀之日照數酌還仍乞
降詔將被災府縣今年稅糧買辦等項盡行
蠲免如此庶幾全活生靈潛消後患易危就
安轉禍為福有以見 皇上深仁厚德而有
生之類蓋將感戴於無窮矣

救林俊張黻奏狀

臣恕荷 國厚恩庸劣無補惟願 聖德尊
顯天下乂安俾臣得俯仰於無事之天沒齒
於太平之日為幸大矣邇聞刑部主事林俊

上章陳言忠誠激烈詞氣過直冒干

天威謫官遠方後府經歷張黻為林俊陳情
亦蒙掣問臣恕當以林俊等為戒括囊全身
今復昧死而言者非納交於林俊等而為其
游說也實為 國家天下慮耳方今之時外
而邊陲黠虜跳梁軍士皆暴露內而郡縣旱
太甚民饑而死此誠

陛下憂勤惕勵詢謀屈策極力救濟以收人
心之時奈何興土木之役為佛氏之居蓋聞
僧伽之言張大佛法之功予以尊之崇之

夫利益以福斯民而延國祚也殊不知三代以前無佛法而帝王曆數率皆綿遠三代以後崇信佛法而帝王運祚未聞過之以其觀之佛法之無益於世也明矣其不足信也審矣且天地生成萬物

祖宗創業垂統孔子明道立教其功其德豈佛氏所能髣髴萬一然而京師止設一壇以祀天地內府止設一太廟祀

祖宗京師以及天下都邑亦各止設一文廟一就使佛法有靈而其功德可比隆於

天地祖宗孔子其佛寺亦不宜多於天地

祖宗孔子之壇廟也今都城內外佛寺不知有幾千百區茲又欲營建佛寺於

皇城之側遷移軍民幾千百家計費帑藏銀數十萬兩似為過之然安土重遷人之情也

今一旦拆人房屋使之遷於他處欲人心

得乎帑藏銀兩所以備兵荒也今乃以為寺之資使民飛輓於道路轉死於溝壑欲人心悅得乎人皆知此事之非宜而不言獨

俊言之者是林俊能盡忠於

陸下而不顧身家也人皆私議以為林俊之言是亦無一人公言於

朝獨張黻言之者是張黻亦能盡忠欲

陸下納諫旌直以隆治道亦可嘉也今皆不之省而悉寘之于法此臣之所未喻也臣恐由是人皆以言為諱設有讒佞之害正姦邪之誤國誰復言之陸下何由以知之又造宮殿為梁為柱大楠木南京各殿已無一根近來修

孝陵明樓差官前去四川徧歷山谷尋採五

年僅得五根數內堪用者少不堪者多起動數千人夫止拽一根到於水次餘者尚未出山此等大木誠為難得不知在京各殿見有堪作大梁大柱楠木亦多可設幾座宮殿之用誠不可不愛惜以供用也

陸下仁如帝堯孝同大舜自踐祚以來不畋獵不游幸未嘗宴興一旅之師亦未嘗宴樂一無辜之人誠不世出之

明主大有為之聖君也不意偶然有此蓋未之思耳此臣之所以日夜惴惴而不能已

於言也伏乞 聖慈收雷電之威解恢恢之
網復林俊等之職慰天下人之望暫停違言
之後專理兵荒之政如此庶幾四夷向化九
有歸心 宗社可以鞏固 天命可以永保
矣臣無任戰慄待罪之至成化二十年十一
月十九日具題

定奪修城營葬工料奏狀

准工部咨營繕清吏司案呈奉本部送於工
科城出應天府府尹于冕等奏據上元等縣
古塘泉等鄉里老葛再等呈照得南京外

羅城週圍一百三十餘里城門一十七座比
先年間原係工部委官驗工計料差撥人匠
軍夫修理近年以來遇有城垣坍塌應天府
與工部分修見今各縣一年一次或二次起
撥人夫多者一百四五十名少者六七十名
每夫集價銀一兩動經七八百兩至一千餘
兩及南京內官病故造墳安葬亦係民間撥
夫集價逐年出辦負累人難况南京積年起
運惜薪司光祿寺安王妃等處柴薪夫價光
祿寺挑酒夫價竹籬扛索價并修理鱒魚廠

內織染局攬缸煉灰價銀及見今內府成造段疋揀選香炷欽差內外官員往來日逐供給下程僉撥皂隸搬運柴薪挑送糧米等項并手下役使厨役等類俱要供食一年之內出銀動以數千兩計以此科派繁重委的困苦無伸呈乞轉達將修城造墳二事量與寬減等因到府臣等看得外羅城所以環衛南京大城宗社宮闕之所在帑庫倉場之所積遇有坍塌損壞雖舉天下之工力修理亦不為過但本府所轄止是七縣內有江

浦六合二縣係在江北里少民貧動輒移逃難以科差外惟有上元等五縣可以差撥加之地方連年旱澇相仍人民缺食困苦之極况外羅城週圍里數闊遠城門不止一座南京工部原有湖廣江西福建三布政司所屬府州縣人匠工料數多原設有修倉主事一員就管修城專理其事今本府叢爾七縣逾年與南京工部分工修理况本府亦無見在人匠俱是將價銀雇覓南京工部管下人匠用工修理委的事體未當合無今後將坐派

本府修城夫價以十分為率本府出辦二分其八分灑派附近直隸蘇松常鎮太平徽州寧國安慶池州等九府照依府分人民多寡出備大約一處集價不過銀六七十兩一年一次預先解送南京工部交納遇有城垣坍塌本部就委原管修城主事驗工計料一併修理如此則非但畿甸之民得以少寬抑且灑派不多外郡之民不致累負况南京工部通年得此工價不須別項勞費庶可經久常行其內官病故造墳一節緣內臣平昔俱

効勞造墳之禮固不可廢但南京工部原無定例遇有坐派夫價工料等項往往多寡不一合無查照在京近年司禮監太監許安御馬監太監劉永成等病故工部造墳安葬事例行移南京工部照例遵守施行借撥本府夫匠一槩停止庶不至於勞民傷財臣等竊惟南京乃祖宗根本重地上元等七縣皆京畿之民比之他處尤當時加愛養不宜日漸疲憊伏望

聖明裁處乞 勅該部將前項修城等事量

爲寬減處置以蘇民困以固邦本臣等職在
養民昧死冒干 天聰不勝恐懼待罪之至
爲此具本該通政使司官於
奉天門奏奉

聖旨該部知道欽此欽遵行據順天府查得
太監劉永成許安病故安葬事例本府應付
棺材一具人夫二十名匠四名開報前來案
呈到部參照應天府所奏要將修城夫價以
十分為率本府出辦三分其餘分派附近直
隸蘇松等府出備及奏查安葬太監劉永成

等則例以憑遵守一節緣係修理城垣安葬
大臣俱係 朝廷重務今本府所奏中間雖
是有理但未經行勘難便定奪合咨貴職煩
爲查勘前項所奏務要斟酌停當徑自具
奏以憑定奪等因備咨到職隨行南京工部
又行應天府查得南京外羅城垣先年遇有
倒塌是南京工部委官驗工計料各衛差撥
軍餘前赴該廠領料與班匠用工修理景泰
六年蒙守備太監袁誠等奏行應天府着落
上元江寧句容溧陽溧水五縣不爲常例借

倩人夫一百名分作二班相兼軍餘挑運本
尾等料匠作修理至成化九年本府府丞白
昂見得墻垣經年不完夫役艱難備行內外
守備等官會議得外羅城週圍一百六十里
共一十六門遠近不等馴象門起八門係應
天府修理滄波門起八門係南京工部修理
其該用工料南京工部與應天府各另出備
兩不干預每年春秋二季內外守備等官公
同南京工部并應天府官各照分修地方相
看遇有損壞就行丈量料計修理及查得應

天府每年修城有用工價銀二三百兩者亦
有四五百兩者多寡不一參照應天府奏要
料夫價以十分為率本府出備二分其餘濠
派附近直隸蘇松常鎮太平徽州寧國安慶
池州等九府照依府分人民多寡出備預先
解送南京工部交納遇有城垣坍塌本部京
委原管修城主事驗工計料一併修理一節
緣南京工部與應天府分修外羅城垣係
內外守備官會同議允已行年久事理况
事體頗便難以更改及看得直隸蘇松常三

府錢糧數多徽州安慶等府路程寫遠况各
府俱有城池每年俱要起夫備料修理難
出備工價銀兩其鎮江寧國太平廣德與應
天府州俱係原奉 恩例減免錢糧去處又
與南京相近太平府無湖縣近來設有抽分
場食黥夫役供應往來事煩繁重亦難出備
若令鎮江寧國廣德二府州出備事煩相應
及照內臣病故造墳女葬既已查有前例
無定奪合無行令鎮江寧國并廣德二府
每年各出價銀六十兩具解送應天
城垣其餘不足之數不分多寡俱令應天府
上元等五縣出備仍照舊與南京工部各照
原分地方城垣門座修理今後南京內臣病
故合無照依太監劉永成許安事例安葬緣
係二部咨臣查勘所奏斟酌停當徑自具奏
定奪事理俱未敢擅便具題

同南京吏部等衙門應 詔陳言奏

狀

臣等伏觀今年正月初七日 欽降詔書有
以見 陛下敬 天之渝卹民之困恐俱修

省求言圖治之盛心也雖隆古聖明何以過之是以詔書到日誤罹刑辟者蒙更生之恩宿負錢糧者免追徵之苦如釋重負如解例懸饑者得食勞者得息危者以安憂者以喜莫不頌皇圖之鞏固祝聖壽於萬年向非聖心惻隱詢謀屈策焉能以致是臣等並受國恩待罪南都有所見聞雖不奉明詔亦當披肝瀝膽以圖補報萬分之一况明詔許諸人直言無隱若猶噤而不言言而不直是臣等上違聖諭下失民望將何顏

以立於聖明之朝乎竊惟朝廷之布政令也猶上天之降祥異也一政令之得宜若禎祥之見而天下無不忻悅一政令之失宜若災異之來而天下無不驚懼易曰君子居其室出其言善則千里之外應之不善則千里之外違之况政令乎誠能發其善者而行之其不善者而改之則民自安天意自回尚何災異之不可弭而禎祥之不可至哉臣等欽遵明詔謹條陳今日缺失利病一二事昧死以聞伏乞聖慈俯垂睿覽采而行之

天下幸甚臣等幸甚

計開

一洪武永樂年間官有定員

朝無倖位是以賢能盡職食之者寡近年以來無功而陞無能而進者日多一日他如工藝之人逋逃之徒邪術之輩各尋蹊徑得美職而服章服者久滿

朝市實是虛糜廩祿虧損名器非所以厲賢能而勸有功也合無今後文職非

由進士監生吏員出身者勿授武職非有軍功者勿陞其已陞除額外文職悉令記名回家待有缺之日聽吏部察其可用者取用係醫卜匠藝出身者悉令各執本藝每月止支食米一石其餘俸錢卑隸俱各革去其軍職非有軍功而陞在錦衣衛帶俸及管事者俱改調在京各衛帶俸止食原俸原無俸者每月亦止與食米一石餘俸俱各革去悉令差操俱不許

晉軍管事兩京一例若在成化十一年以前陞用及貴戚之家循例而陞者悉令照舊其在京考滿該陞官員內樂舞生出身止於太常寺官天文生出身者止於欽天監官醫生出身者止於太醫院官匠人出身者止於工部所屬文思院營繕所等衙門官叙用俱不可授以六部都察院通政司大理寺等衙門堂上官庶不虛費錢糧混亂名譽

近聞太監梁芳差鎮撫梁山舍人梁用馳驛前來兩淮運司關支

欽賜官鹽五萬引着令該司出備包索船錢用銀數多該司無從措置被其逼迫今奉

明詔不許勢要之家中鹽雖稱前鹽係是欽賜之數百姓愚昧難以戶曉未免致疑又令運司出備包索船錢人情愈加不堪伏乞

聖裁合無將梁山等取回前鹽隻今後各

處盤課俱各存留以備邊儲敢有仍前求討者許戶部及科道官糾劾使人無覬覦官有儲積

一南京朝陽門外漆園原設百戶二員甲軍一百餘名每三年一次行取直隸廬州府人匠二十名到園開漆所得漆不過二百斤機園原設百戶一員甲軍一百餘名每三年一次行取江西南昌府土民八名到園剥機所得機毛不過二百斤俱差內官一員

監看門剥桐園原設百戶二員甲軍二百四十名每年行取應天府油戶不限名數到園收領桐子打油除存種子外所得油止有一百餘斤俱送內府南京丁字庫交收南京工部遇有修造黃戰船隻等項又去該庫開支合無今後止令該園餘丁自行開漆剥機及雇人打油免在行取廬州等府開漆人匠剥機土民打油人戶及免差內官監看所得生漆機毛桐



油照數就送本部交收庶使事體不繁出納兩便

一南京兵仗局見有

欽差內官四員名帶領匠作一十四員名在局成造擺朝軍器五萬七千五百頂副經今三年未完緣地方災傷人民缺食南京工部及應天府措置物料借倩夫匠并應天府供給下程等項俱各艱難合無將前項軍器暫且停止收過各項物料公同南京工部

并應天府委官查盤見數收貯官庫待後豐收之年行令南京守備太監提督該局照數成造仍將各項物料應減省者減省應改會者改會庶使人無重勞料不虧費

一南京御用監內官監等衙門每年起運竹木板枋數多撥船裝載沿途運勞人較淺去處又行起車裝載勞人尤甚况連年災傷人民流亡合將前項竹木板枋停止一二年以蘇

減半起運庶使人無怨嗟科有搏食
一端人正士何代無之異端邪術世亦
常有所貴察其忠良辯其姦妄而登
用之擯斥之爾近者員外郎林俊經
歷張敞以言事謫官尋蒙收召復其
職任國師繼曉以左道惑衆亦被放
逐遣歸田里此足以彰

陛下天地之量日月之明容受其直而特
為寬貸洞燭其誣而不為欺罔也竊
惟諸司之中固嘗有先林俊張敞而

被謫者天下之大亦豈無後繼曉而
行術者合無吏部通查數年以來有
因言事或降調外任或冠帶閑住悉
令復職俾圖自效如有政令缺失仍
許直言無隱及令都察院行委巡城
御史五城兵馬嚴加禁治如有姦妄
之徒或執巧技或挾邪術者不許潛
住京師希求進用敢有窩藏隱匿者
罪及隣佑如此則異端不至橫流正
道可免榛莽

一各處府州縣學廩增生員近年以救
荒許納粟銀入監出身中間多有白
丁錢虜或在學無成或入學未久或
臨期冒報有司急於應令起送不暇
詳審如此生徒學業未成禮節未習
僥倖入監束書日計若又放回依親
寧無忌肆或暴橫鄉里或干謁官府
日後選用懵焉面墻妨政害民寔多
有之合無分送南北國子監不許放
回依親着令自備柴米坐堂肄業本
監學官用意講授務俾成材庶他日
選用不至瘵曠

一正統天順年間南京龍江大勝二關
各止差內官內使三員名守把
皇城各門并都城各門各止差內官內使
二員名守把近來龍江關差太監奉
御共六員大勝關差內官內使共七
員名

皇城各門差內官內使十餘員名都城各
門有差內官內使五七員名者亦有

三四員名者又內府南京甲字等九庫比先年間每庫止有內官內使二員名公同該庫官收支錢糧今各庫有內官內使五七員名者亦有十三四員名者政出多門弊難枚舉合無行令內外守備官將各門各閤并各庫添差官員盡行革退令其各管本等職務照依正統年間事例存留守把管理免致多占官軍庫役妨誤公務

一在京針江巾帽局每年各差內使二名管送市絹等物前來南京染作卻裝回京與內官做造衣被巾帽等件該與在京內官者就彼給散該與南京內官者帶來南京給散差來內使在南京有住者亦有住七八箇月者亦有住三五箇月者亦給艱難占用馬快船及洗箱等項人夫數多有妨差操兼且住者亦不無勞擾合無今後北京內官衣被巾帽等件就在

北京做造給散南京內官衣被巾帽等件就在南京做造給散庶免徃來勞涉騷擾軍民

南京龍江廠原係民間納糧田地者年設立堆放楠木俱已用盡止存朽爛不堪者數根其該廠房屋墻垣俱各坍塌見今地土空閑仍前占用軍餘一百餘名看守合無將地土給還原主領種辦納錢糧朽爛木植變賣銀兩入官看廠軍餘退回原衛當差

於官無損於民有益

一 直隸蘇州等府買辦年例供應器皿項下黃紅羅黃紅絨金箔銀珠二珠生漆桐油熟銅熟鐵鏡面錫等項及四川布政司折納歲辦皮張項下生漆熟鐵等項多是差人齎價前來南京收買卻被攬頭光棍誑騙花費或被解人鋪行通同侵分中間情弊多端難以枚舉以致前項物料不得完納有誤造作合無今後南京工部將

前項物料價銀分派各該司府徵收起解本部轉送應天府官庫收候買辦送用若有積出附餘銀兩准作下年之數其一時物料內有高貴及價銀內有不敷本部另行處置庶使情弊可革工程易完

一應議官子孫在京法司有

奏准事例徑行提問今南京法司但應議官子孫有犯俱先提事內人問理有礙將原告并干証人監候羈候奏

請提問有行提數月并半年之上不出官

者及至問完不拘徒杖罪名一緊監候請 旨發落未免久候及監候人

難合無查照在京法司事例前項應議官子孫有犯除

皇親外其餘有犯亦就提問問完之日徒罪以上監候杖罪以下羈候俱奏請發落庶為便益

一南京御馬監每年起運首着種子四十扛俱係南京太僕寺坐派養馬軍

衛有司辦納蓋是先年北京地方不
產此種以此取去播種今北方已種
六七十年豈無種子可種今却仍舊
起運以事言之雖小而微歛解納之
際所費實多皆出自軍民合無行令
南京御馬監今後不必行取首種
子解京庶免科擾下人受害

一朝廷差內臣在浮梁縣景德鎮燒造
御用磁器今已年久崔覓夫匠買辦柴土
顏料及供給監燒官員人等每年用

銀不下數千餘兩俱是饒州等三府
小民出備雖曰磁器計其所費亦不
銀器之價近聞原差內臣
鎮守江西徃來提督而家人常
彼生事尤甚供給益侈即今三
民疲敝困苦不可勝言且饒州
湖運途數百里上控荆襄之衝一
警急民窮財盡何以為備此三府之
民誠可痛憫而燒造之役所當急
也况所燒磁器年積月累其數

合無暫且停燒造三五年以俟
待後缺用再行燒造亦未為晚
雲南福建浙江等處雖有出在
府分其間或屢有頑梗之徒
非地方人民因而不安者况
守太監或有於每年冬月親
府分煎銷銀課往來供應頭目人等
甚是勞擾合無今後止令專管銀場
布按二司官員每年督完銀課解至
總司會同太監煎銷實為民便

右件臣等咨陳一得之愚如此伏惟
皇上仁孝恭儉敬天勤民宜乎天人交感
協氣嘉生而乃年不順成災異迭見者
無他皆由臣等不能仰副
聖明所致乞將臣等罷歸田里別選賢
任用庶回天意

成化二十一年二月初七日具題三月
日奉 聖旨是文武醫匠等官取回支
撫并禁造寺觀降調官員已處置了板
運一年大勝等關門官軍着南京守備

定奪具奏成造軍器納粟生員坐監買辦
料提問應議官子孫該衙門看了來說造
衣帽等件起運首箱仍舊看廠軍餘量蓄
十名磁器燒完了停止其餘准議行陳後
不准罷歸着盡心辦事該部知道欽此

乞休致奏狀

臣係陝西西安府耀州三原縣人由進士改
度言士正統十四年欽除大理寺左評事歷
陞左寺副知計左右布政使成化元年

陞左寺副知計左右布政使成化元年
陞左寺副知計左右布政使成化元年

功陞本院左副都御史巡撫河南一年陞南

京刑部左侍郎管部事九箇月餘丁父憂服

除改刑部左侍郎總理河道年半有餘改南

京戶部左侍郎管部事將三年半復改都察

院左副都御史巡撫雲南陞本院右都御史

仍前巡撫一年有餘改南京都察院右都御

史參贊機務陞南京兵部尚書仍參贊機務

兼一年有餘改兵部尚書兼都察院左副都

御史巡撫南直隸蘇松等處地方總理糧儲
五年有餘復改南京兵部尚書參贊機務

又一年有餘臣以卑鄙庸才仰荷

聖明知遇歷官九十六轉任事幾四十年

入陪廟堂或出巡方岳寵榮已極感幸何

加徒懷犬馬之心莫報乾坤之德第以衰

朽應合退閑已嘗再三上章懇乞休致俱蒙

聖恩勉留俾之仍前理事今臣年已七十例

該致仕又且老病侵尋雖仍戀闕庭力實不堪鞭策食臣無補居之弗安伏

乞聖慈矜憫將臣放歸田里另選賢才以

充任使廢不妨賢悞事斯有益於

國家矣臣下情無任感激隕越之至

加陞太子少保謝 息疏

昨臣以右都御史尚書九年考滿具奏取進

止而蒙 聖恩加臣太子少保照舊管事者

伏念臣性資愚魯學術空疎荐歷崇階累叨

重寄無補於世有愧於心具奏之時自謂官

已踰分年已衰老得一致仕足矣不意今日

荷茲 殊恩臣有以見 陛下不遺踈遠之

深恩寵異老臣之盛德也感激良深未易云

第臣職守南都不能入侍

左右少效忠勤補報萬一但願

皇圖鞏固聖壽齊天 前星依帝座以常輝
主器守宗廟而未泰非獨臣感恩思報之心
如此而天下臣民愛戴祝頌之心亦莫不如
此也臣無任瞻 天仰聖激切屏營之至除
望 闕謝 恩於今年二月初一日到任管
事外具本專差千戶李賢齋捧稱 謝謹具
奏 聞

督修 孝陵工完奏狀

照得成化二十二年五月十九日欽奉

勅命臣同守備太監張本嚴督內外該管官
員併工修理 孝陵 臣謹遵奉

勅旨會同太監張本并守備內外官員恭詣
孝陵同該管太監鄭強叅平侯張祐工部侍
郎劉俊等看得

孝陵殿宇門廡碑亭等項俱已修完惟明樓
已扒縛鷹架做造斗科等件止因四川原採
大楠木未到未曾拆修又看得周圍牆垣陰
修完外止有一千七十杖未完及臨將牆房
墻垣損壞六十五丈未曾修理隨令各官督

工修築完備於本年六月初五日疎放軍夫
匠作暫且歇工候催楠木至日另行擇日興
工及將修完工程用過物料價銀口糧并原
辦未到物料總數開坐具題外至二十一年
四月內楠木方到本年七月十二日又節該
欽差勅命臣同守備太監錢能嚴督原營
太監鄭強隆平使張祐工部侍郎劉俊并內
外該管官員量撥用工官軍匠作毋令空閑
及占計筭在官合用物件并價銀及支給錢
糧毋令冒妄浪費仍逐日併工修造早為完

備欽此臣又遵奉

勅旨公同太監錢能行令鄭強張祐劉俊等
量撥官軍匠作南京欽天監擇於本年七月
二十一日興工修理興工之後鄭強等日逐
躬親提督工程郎中毛科專管收放物料工
價臣等亦常不時前去督併執役之人各盡
心力罔敢怠忽將明樓大梁及角梁枋桁斗
科椽望銅絲簷網券門

寶山城垣金水橋墁欄板等項但係損壞者
俱各脫換修理揭寔墁砌彩畫油漆至本年

三月二十一日工完會同守備內外官員并
該監官詣前拜觀群情莫不忻悅仰惟
聖祖在天之靈亦可以少慰矣先該臣等打
令郎中毛科自興工日為始日逐做過工程
用過物料并工價銀兩等項每半月一次開
報逐旋查算工完之日臣等又行通前查算
明白除令南京工部照依工部原行事理將
修完工程用過物料等項另行造冊奏繳外
緣係奉 勅督修 孝陵工完事理具本專
差指揮石文通齎捧謹具題知

將順上意匡輔時政疏

臣伏聞近有 聖旨禁約今後不許擅便奏
討陞官及遷轉各人名下并文武外官邊將
及奏討蟒衣并替人討蟒衣及不許奏要在
內府騎馬又聞自有此之後諸色人等俱不
敢進貢物件希冀陞賞朝政肅然小大之臣
罔不畏天之威駁奔承事中外臣民聞之莫
不歡忻鼓舞稱頌 聖德而詠歌太平也夫
此數者不禁止則官及私昵而政事為之不
立利歸權門而邊儲為之不足豪右兼弁而

小民為之困敝名器混淆而上下為之無別
潛踰日肆而禮法為之蔑如紀綱廢弛而教
化為之不行人皆知此數者之為

聖政累久矣但恐禍及身家所以多不敢言
去歲正月

皇上因天變 勅諭文武百官令其陳奏敝
政兩京臣僚間有言及之者或指陳失真或
言詞過當是以多不蒙採納間有採而行之
者不乂又行更改而言者反遭笞謫間有優
容者其心兢兢業業常不自安有若官校之

隨其後所以前事日益滋熾而無已有志為
國者日益畏縮而不敢言也茲者

皇上不因左右之言臣僚之諫而有此禁約
是蓋 皇天眷佑 國家將隆萬年無疆之
休故啓 宸衷而為之此臣民聞之所以歡
忻鼓舞而稱頌詠歌也然此數者誠能持之
堅禁之久而無所變更則天下國家何患乎
不治安 宗廟社稷何患乎不靈長四夷八
蠻何患乎不賓服群黎百姓何患乎不蒙福
也如或持之不堅禁之不乂而有所變更非

惟有失大信於天下抑恐難保無虞於將來
伏望 皇上執此之政堅如金石行此之令
信如四時仍將節次 聖旨禁約事意傳與
在京各衙門并科道知道今後但有故違
勅旨奏討前項 恩澤者俱照
勅旨內叅奏其奉 特旨批出傳奉而與者
亦要執奏不可有失大信如此則紀綱振肅
而教化大行億兆歸仰而
宗社靈長矣然臣此言非欲矯情以沽名而
舍生以取禍但欲成

皇上之美政為恃寵者弭後患耳惟

聖明察其心而赦其罪幸甚且本專差辦事
官徐徽齋捧謹具奏 聞

孝陵工完受賞謝 恩疏

伏蒙 聖恩以臣同守備太監錢能奉

勅督修 聖祖孝陵工完 賜臣紵絲一表

裏生鈔一千貫者竊惟臣猥以章句之腐儒

叨膺榮贊之重寄凡百 朝命皆當奉行矧

夫陵寢工程敢不躬親提督經之營之乃百

工之成效輪焉烏豈一夫之用心臣實無

功何敢望賞辭之恐蹈不恭之罪受之難逃
非分之譏揣已則踧踖不寧感
恩則汪洋無際除叩頭祗領望

闕謝

恩外具本專差辦事官舒光發齋捧赴
闕稱謝謹具奏
聞

太師王端毅公奏議卷之六



